

## 2 Jon

# Yän-yäkŋarani äma nämo täŋkentän yämine

<sup>1a</sup> Watä ämajin näkä webe pähap yäpmän daniwani gäk ba äpetkaye nanakaye inta man ŋo kudän täŋpän tamitat. Näk nadän tamikinik täk täyat. Täŋpäkaŋ näkŋagän nämo. Ämawebe man bureni-inik nadänpän bänepi-ken pek täkaŋ u bok nadän tamikinik täk täkamän. <sup>2</sup>Man bureni unitä täŋpewän not ude täŋpän itkamän. Man bureni uwä bänepnin-ken pätak ba pen api pat yäpmän kwek.

<sup>3</sup>Eruk, Anutu Nan ba nanaki Jesu Kristo unitäŋo orakoraki ba butewaki ba bänep pidämtä bämopnin-ken pen kaŋ it yäpmän ärowän. It yäpmän äronirän man bureniŋän nadänpän Anutu täŋo bänep iron teragän it täkäna. <sup>4b</sup>Tägagämän kubä nadätat! Man bureni-inik Nantä kaŋ iwarut yänpän peŋ niwetkuko u äpetjiye nanakjiye ätutä buramiŋpän yäpmän kuŋat täkaŋ. Manbiŋam ude nadänpän bänepnatä oretoret pähap nadäk täyat. <sup>5c</sup>Unita webe pähap, man kudupi nämo gäwerayän. Nämo, bian mebäri-ken umunitä nadän yäpmän äbäk täŋkumäŋo ugänpän gäwerayän. Uwä ŋode; Äbot täŋpani ämawebe nin bänep iron täktäk kowata kowata täŋpän kuŋat täkäna. <sup>6d</sup>Täŋpäkaŋ bänep iron kädet täŋo mebäri u ŋode; Nin Anututa gäripi-inik nadänpänä unitäŋo mani buramine. Unita äneŋi yäkgän täŋpa; Man yäput peŋpän ŋode nadänkuŋo udegän iwat täkot; Bänep iron täktäk kädet iwatpän kuŋat täkot.

<sup>7e</sup>Nadäkaŋ? Yän-yäkŋarani äma mäyap it yäpmän kukaŋ. Äma udewani Jesu Kristo äma äworeŋpän ahäŋkuko unitäŋo manbiŋam ut täkaŋ. Äma udewaniwä yän-yäkŋarani äma ba Kristo täŋo iwan ubayän. <sup>8</sup>Unita äma udewaniwä täŋ-täkŋat-pewä Ekäni täŋo kädet iwatpän gwäki yäpmäktapiäni täk täŋkuŋo u paot tamekta nadänjit nadänjit kuŋat täkot.

<sup>a</sup> 1:1 1Pi 5:1, 3Jo 1   <sup>b</sup> 1:4 3Jo 3   <sup>c</sup> 1:5 1Jo 2:7, 3:11   <sup>d</sup> 1:6 1Jo 5:3   <sup>e</sup> 1:7 1Jo 4:1-3

Pen ude tãj yãpmãj kuŋarirã Anututã kowata gwãki ärowani pähap api tamek. <sup>9f</sup> Tãjpkãj äma Jesu Kristo tãjo manbiŋam säkgãmãn nämo inŋitkaŋ iniken nadãk yãpurãrãtpãj yãjahãk tãkaŋ, äma udewanita ŋode nadãneŋ; Anututa biŋam nämo itkaŋ. Tãj, äma Jesu tãjo manbiŋam ugãnpãj pen inŋtpãj yãpmãj kuŋat tãkaŋ uwã Nan ba Nanakitã äma ukãt bok it tãkaŋ yãj nadãk tãkot. <sup>10g</sup> Tãjpkãj äma kubãtã inken kuŋpãj Jesu u äma äworeŋpãj kome terak kuŋatkuk yãj man siwoŋi ude nämo täwetpãj täwoŋãrewayãj tãko uwã not tãj imiŋpãj yotjin-ken nämo yãjkiŋat yãpmãj äroneŋ. <sup>11</sup> Tãj, in kubãtã äma udewanita not tãjpkãjã jop manman yãwani tãjo noripaki yãj nadãkot.

<sup>12h</sup> Nanaknaye, man mäyap täwerayãj nadãtat upãŋkaŋ mäyap nämo kudãn tãj tamayãj. Ärewayãj nadãtat unita kadãni ärewayãj täyat uken man yãjpkãj-nadãk kaŋ tãna. Ude tãjpkãj bãnep oretoret bureni api nadãne. <sup>13</sup> Eruk, yãpmãj daniwani notkapak unitãjo äperiye nanaktã bãnep tãga man täwetkaŋ ŋo. Ugãn.

---

<sup>f</sup> 1:9 1Jo 2:23    <sup>g</sup> 1:10 Efe 5:11, 2Te 3:6    <sup>h</sup> 1:12 3Jo 13-14